



湖心寶鑑抄

878
878



明心寶鑑
卷八



明心寶鑑抄

繼善篇

子曰為善者天報之以福為不善者天報之以禍

漢昭烈將終勅後主曰勿以惡小而為之勿以善小而不為

莊子曰一日不念善諸惡自皆起

太公曰見善如渴聞惡如聾○又曰善事須貪惡事莫樂

馬援曰終身行善善猶不足一日行惡惡自

日八畢金 抄
有餘

司馬溫公曰積金以遺子孫未必子孫能盡
守積書以遺子孫未必子孫能盡讀不如積
陰德於冥冥之中以爲子孫之計也
景行錄曰恩義廣施人生何處不相逢譬冤
莫結路逢俠處難回避

莊子曰於我善者我亦善之於我惡者我亦
善之我既於人無惡人能於我無惡哉

東岳聖帝垂訓一日行善福雖未至禍自遠
矣一日行惡禍雖未至福自遠矣行善之人

如春園之草不見其長日有所增行惡之人
如磨刀之石不見其損日有所虧
子曰見善如不及見不善如探湯

天命篇

子曰順天者存逆天者亡

康節邵先生曰天聽寂無音蒼蒼何處尋非
高亦非遠都只在人心

玄帝垂訓人間私語天聞若雷暗室欺心神
目如電

益智書云惡鐘若滿天必誅之

莊子曰若人作不善得顯名者人不害天必戮之

○種瓜得瓜種豆得豆天網恢恢疎而不漏○子曰獲罪於天無所禱也

順命篇

子曰死生有命富貴在天○萬事分已定浮生空自忙○景行錄云禍不可倖免福不可再求○時來風送滕王閣運退雷轟賤福碑○列子曰癡聾痼瘖家豪富智慧聰明却受貧年月日時該載定美來由命不由人

孝行篇

詩曰父兮生我母兮鞠我哀哀父母生我劬勞欲報深恩昊天罔極○子曰孝子之事親也居則致其敬養則致其樂病則致其憂喪則致其哀祭則致其嚴○子曰父母在不遠遊遊必有方○太公曰孝於親子亦孝之身既不孝子何孝焉○孝順還生孝順子五逆還生五逆兒不信但看簷頭水點點滴滴不差移

正己篇

性理書云見人之善而尋己之善見人之惡而尋己之惡如此方是有益○景行錄云大丈夫當容人無爲人所容○太公曰勿以貴己而賤人勿以自大而蔑小勿以恃勇而輕敵○馬援曰聞人過失如聞父母之名耳可得聞口不可得言也○康節邵先生曰聞人之謗未嘗怒聞人之譽未嘗喜聞人之惡未嘗和聞人言人之善則就和之又從而喜之其詩曰樂見善人樂聞善事樂道善言樂行善意聞人之惡如負芒刺聞人之善如佩

蘭蕙○道吾善者是吾賊道吾惡者是吾師○太公曰勤爲無價之寶慎是護身之符○景行錄曰保生者寡欲保身者避名無慾易無名難○子曰君子有三戒少之時血氣未定戒之在色及其壯也血氣方剛戒之在鬪及其老也血氣既衰戒之在得○孫真人養生銘怒甚偏傷氣思多太損神疲心易役氣弱病相因勿使悲歡極當令飲食均再三防夜醉第一戒晨嘔○景行錄曰食淡精神爽心清夢寐安○定心應物雖不讀書可以

爲有德君子○近思錄云懲忿如故人窒慾
如防水○夷堅志云避色如避讐避風如避
箭莫喫空心茶少食中夜飯○荀子曰無用
之辯不急之察棄而勿治○子曰衆好之必
察焉衆惡之必察焉○酒中不語真君子財
上分明大丈夫○萬事從寬其福自厚○太
公曰欲量他人先須自量傷人之語還是自
傷含血噴人先汚其口○九戲無益惟勤有
功○太公曰菘田不納履李下不整冠○景
行錄曰心可逸刑不可不勞道可樂身不可

不憂刑不勞則怠惰易蔽身不憂則荒淫不
定故逸生於勞而常休樂生於憂而無厭逸
樂者憂勞其可忘乎○耳不聞人之非目不
視人之短口不言人之過庶幾君子○蔡伯
嘗曰喜怒哀在心言出於口不可不慎○宰予
書寢子曰朽木不可雕也糞土之墻不可汚
也○紫虛元君誡諭心文福生於清儉德生
於卑退道生於安靜命生於和暢患生於多
慾禍生於多貪過生於輕慢罪生於不仁戒
眼莫着他非戒口莫談他短戒心莫自貪嗔

戒身莫隨惡伴無益之言莫妄說不干已事
莫妄為尊君王孝父母敬尊長奉有德別賢
愚恕無識物順來而勿拒物既去而勿退身
未遇而勿望事已過而勿思聰明多暗昧笑
計失便宜損人終自失倚勢禍相隨戒之在
心守之在氣為不節而之家因不廉而失位
勸君自警於平生可嘆可驚而可思上臨之
以天鑑下察之以地祇明有三法相繼暗有
鬼神相隨惟正可守心不可欺戒之戒之

安分篇

景行錄云知足可樂務貪則憂○知足者貪
賤亦樂不知足者富貴亦憂○知足常足終
身不辱知止常止終身無耻○擊壤詩云安
分身無辱知幾心自閑雖居人世上却是出
人間○子曰不在其位不謀其政

存心篇

景行錄云坐密室如通衢馭寸心如六馬可
免過○擊壤詩云富貴如將智力求仲尼年
少合封侯世人不解青天意空使身心半夜
愁○范忠宣公戒子弟曰人雖至愚責人則

明雖有聰明恕已則昏爾曹但當以責人之
心責已恕已之心恕人不患不到聖賢地位
也○子曰聰明思睿守之以愚功被天下守
之以讓勇力振世守之以怯富有四海守之
以謙○百巧百成不如一拙○素書云薄施
厚望者不報貴而忘賤者不义○施恩勿求
報與人不追悔○孫思邈曰膽欲大而心欲
小智欲圓而行欲方○念念要如臨戰日心
心常似過橋時○惧法朝朝樂欺公日日憂
○朱文公曰守口如瓶防意如城○心不負

人而無慚色○人無百歲人枉作千年計○
寇萊公六悔銘官行私曲失時悔富不儉用
貧時悔藝不少學過時悔見事不學用時悔
醉後狂言醒時悔安不將息病時悔○益智
云寧無事而家貧莫有事而家富寧無事而
住茅屋不有事而住金屋寧無病而食麤飯
不有病而食良藥○心安茅屋穩性定菜羹
香○景行錄云貴人者不全交自怨者不改
過○夙興夜寢所思忠孝者人不知天必知
之飽食暖衣怡然自衛者身雖安其如子孫

何○以愛妻子之心事親則曲盡其孝以保富貴之心奉君則無往不忠以貴人之心責己則寡過以恕己之心恕人則全交○爾謀不臧悔之何及爾見不長教之何益利心專則背道私意確則滅公○生事事生省事事省

戒性篇

景行錄云人性如水水一傾則不可復性一縱則不可反制水者必以隄防制性者必以禮法○忍一時之氣免百日之憂○得忍且

忍得戒且戒不忍不戒小事成大○愚濁生嗔怒皆因理不通休添心上火只作耳邊風長短家家有炎涼處處何是非無實相究竟摠成空○子張欲行辭於夫子願賜一言為修身之義夫子曰百行之本忍之為上子張曰何為忍之夫子曰天子忍之國無害諸侯忍之成其大官吏忍之進其位兄弟忍之家富貴夫妻忍之終其世朋友忍之名不廢自身忍之無患禍子張曰不忍心如何夫子曰天子不忍國空虛諸侯不忍喪其軀官吏不

自迷○公心若此私心何事不辨道念若同情念成佛多時○濂溪先生曰巧者言拙者默巧者勞拙者逸巧者賊拙者德巧者凶拙者吉嗚呼天下拙刑政徹上安下順風清弊絕○易曰德微而位尊智小而謀大無耦者鮮矣○說苑曰官怠於官成病加於小愈禍生於儻惰孝衰於妻子察此四者慎終如始○器滿則溢人滿則喪○羊羨雖羨衆口難調○尺璧非寶寸陰是競○益智書云白玉投於泥不能污穢其色君子行於濁地不能

染亂其心故松柏可以耐雪霜明智可以涉難危○入山擒虎易開口告人難○遠水不救近火遠親不如近鄰○太公曰日月雖明不照覆盆之下刀則雖快不斬無罪之人非灾橫禍不入慎家之門○太公曰良田萬頃不如薄藝隨身○性理書云接物之要已所不欲勿施於人行有不得反求諸已○酒色財氣四堵牆多小賢愚在內廂若有世人跳得出便是神仙不死方

立教篇

子曰立身有義而孝為本喪杞有義而哀為本戰陣有烈而勇為本治政有理而農為本居國有道而嗣為本生財有時而力為本○景行錄云為政之要曰公與清成家之道曰儉與勤○讀書起家之本循理保家之本勤儉治家之本和順齊家之本○孔子三計圖云一生之計在於勤一年之計在於春一日之計在於寅幼而不學老無所知春若不耕秋無所望寅若不起日無辦○性理書云五教之目父子有親君臣有義夫婦有別長幼

有序朋友有信○王蠲曰忠臣不事二君烈士不愛二夫○忠子曰治官莫若平臨財莫若廉○張思叔座右銘曰凡語必忠信凡行必篤敬飲食必慎節字畫必楷正容貌必端莊衣冠必肅整步履必安詳居處必正靜作事必謀始出言必顧行常德必固持然諾必重應見善如己出見惡如己病凡此十四者皆我未濶省書此當座右朝夕視為警言○范益謙座右銘曰一不言朝廷利害邊報差除二不言州縣官負長短得失三不言衆人所

作過惡之事四不言仕進官職趣時附勢五
 不言財利多少厭貧求富六不言淫媒戲慢
 評論女色七不言求覓人物干索酒食又人
 附書信不可開拆沉滯與人并坐不可窺人
 私書凡入人家不可看人文字凡借人物不
 可損壞不違凡喫飲食不可揀擇去取與人
 同處不可自擇復利凡人富貴不可歎羨詆
 毀凡此數事有犯之者足以見用意之不肖
 於在心修身大有所害因書以自警○武王
 問太公曰人居世上何得貴賤貧富不登之類

聞說之欲知是矣太公曰富貴如聖人之德
 皆由天命富者用之有節不富者家有十盜
 武王曰何爲十盜太公曰時熟不收爲一盜
 收積不了爲二盜無事燃燈寢睡爲三盜慵
 懶不耕四盜不施功力五盜專行劫害六盜
 養女太多七盜晝眠懶起八盜貪酒嗜慾九
 盜強行姦妬十盜武王曰家無十盜不富者
 何如太公曰人家必有三耗武王曰何名三
 耗太公曰倉庫漏溢不蓋鼠雀亂食爲一耗
 收種失時二耗拋撒米穀穢賤三耗武王曰

家無三耗不富者何如太公曰人家必有一錯二悞三癡四失五逆六不祥七奴八賤九愚十強自招其禍非天降殃武王曰願悉聞之太公曰養男不教訓爲一錯嬰孩勿訓二悞初迎新婦不行嚴訓三痴未語先笑四失不養父母爲五逆夜起赤身六不祥好挽他弓爲七奴愛騎他馬爲八賤喫他酒勸他人爲九愚喫他飯命朋友爲十強武王曰甚羨誠哉是言也

治政篇

明道先生曰一命之士苟存心於愛物於人必有所濟○唐太宗御製上有廩之中有乘之下有附之幣帛衣之倉廩食之甬俸甬祿民膏民脂下民易虐上蒼難欺○童蒙訓曰當官之法唯有三事曰清曰慎曰勤知此三者知所以持身矣○當官者必以暴怒爲戒事有不可當詳處之必無不中若先暴怒只能自害豈能害人○事君如事親事官長如事兄與同僚如家人待羣吏如奴僕愛百姓如妻子處官事如家事然後能盡吾之心如

有豪末不至皆吾心有所未盡也○或問簿
佐令者也簿所欲為令或不從奈何伊川先
生曰當以誠意動之今令與簿不和便是爭
私意令是邑之長若能以事父兄之道事之
過則歸已善則唯恐不歸於令積此誠意豈
有不動得人○劉安禮問臨民明道先生曰
使民各得輸其情問御史曰正己以格物○
抱朴子曰迎斧鉞而正諫據鼎鑊而盡言此
謂忠臣也

治家篇

司馬溫公曰凡諸幼卑事無大小毋得專行
必咨廩於家長○待客不得不豐治家不得
不儉○太公曰癡人畏婦賢女敬夫○凡使
奴僕先念飢寒○子孝雙親樂家和萬事成
○時時防火發夜夜備賊來○景行錄云觀
朝夕之早晏可以卜人家之興替○文仲子
曰婚嫁而論財夷虜之道也

安義篇

顏氏家訓曰夫有人民而後有夫婦有夫婦
而後有父子有父子而後有兄弟一家之親

此三者而已矣自茲以往至于九族皆本於
三親焉故於人倫為重也不可不篤○莊子
曰兄弟為手足夫婦為衣服衣服破時更得
新手足斷時難可續○蘇東坡云富不親兮
貧不疎此是人間大丈夫富則進兮貧則退
此是人間真小輩

遵禮篇

子曰居家有禮故長幼辨閨門有禮故三族
和朝廷有禮故官爵序田獵有禮故戎事閑
軍旅有禮故武功成○子曰君子有勇而無

禮為亂小人有勇而無禮為盜○曾子曰朝
廷莫如爵鄉黨莫如齒輔世長民莫如德○
出門如見大賓入室如有人○若要人重我
無過我重人○父不言子之德子不談父之
過

言語篇

劉會曰言不中理不如不言○一言不中千
語無用○君平曰口舌者禍患之門滅身之
斧也○利人之言煖如綿絲傷人之語利如
荆棘一言半句重直千金一語傷人痛如刀

明心寶鑑 批
三

絕異婦容者不必顏色美麗婦言者不必辯
口利詞婦工者不必伎巧過人也其婦德者
清貞廉節守分整齊行止有耻動靜有法此
為婦德也婦言者擇師而說不談非語時然
後言人不厭其言此為婦言也婦容者洗浣
塵垢衣服鮮潔沐浴及時一身無穢此為婦
容也婦工者專勤紡織勿好暈酒供俱甘旨
以奉賓客此為婦工也此四德者是婦人之
大婦之大德也為之甚易務在正依此而行
是為婦節○太公曰婦人之禮語必細○賢

婦令夫貴惡婦令夫賤○家有賢妻夫不遭
橫禍○賢婦和六親使婦破六親

戊辰至月
武橋新刊

明心寶鑑終

月心寶鑑

少

三十三

分


皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一

年

在申以申加乾數至月將亥則貴在艮陰貴在子以
 數至月將亥則貴在申酉間又庚時又如乙丑日加
 甲時為陽也陰在丑以丑加乾數至月將亥則寅
 日陽貴在未以未加乾上順數至月將亥則寅
 假如正月雨水後日躔過亥宮登明為月將
 貴人所_{列德}在之時方用_{二如}維_{列德}是_何干維位_{十列}
 日躔止其下八干貴入分陰陽加乾上順數至
 其法將所用日卷下
 增補天機大要卷下

四

分



月將 丑辰巳未申酉
將辰辰木辰未未木未申申火申酉酉金酉戌戌土戌亥亥水亥子子木子丑丑火子寅寅土子卯卯金子辰辰木子

子在申以申加乾至月將亥則貴在艮陰貴在子以

數至月將亥則貴在申酉以申加乾至月將亥則貴在艮陰貴在子以

甲時為陽也陰至月將亥則貴在艮陰貴在子以

日陽貴在未以未加乾至月將亥則貴在艮陰貴在子以

假如正月用水後日曬過亥宮登明為月將

貴人所在之時方用二如列位却看是何干維位

日曬止其下八干貴入艮陽加乾上順數至

其法將所用日卷下四一

增補天機大要 貴人登天門時大發微通書

日

